

醫
西
學
心
鏡

女
神
七
卷

常
盛
堂
陳
記

醫學心鏡

女科七卷

常盛堂陳記

益生堂醫學心鏡錄 女科卷之七目錄

願生女科論

女科淺言

月經論

月經粹言

月經瑣言

論月經不調

經行腹痛

調經種子

蠡斯丸

金蓮種子方

種子濟陰丹

萃仙種子丸

論胎脉

懷胎禁忌

十月養胎

墮胎小產

安胎和氣飲

妊娠嘔吐

子煩症

妊娠子懸

妊娠子癰

妊娠子腫

妊娠中惡

轉胞症

腹內兒哭

妊娠患癰

妊娠患痢

妊娠白帶

回生丹方

難產八因

產寶論

難產良方

催生諸方

催生免腦丸

產後盤腸不收

交骨不開

胞衣不下

傷胎死生辨

下死胎

橫生逆養

下血昏憤

產後血暈辨

產後潮熱論

產後傷寒

產後潮熱症

產後筋攣

產後脚氣

敗血搶心

婦人無乳

婦人乳病

婦人乳癰

脇肋痛

骨蒸潮熱

積聚癥瘕

桃奴散

穿山甲散

積聚辨

琥珀丸

硃砂丸

經閉不通

血崩論

崩症諸方

十灰散

赤白帶下

小便閉結

脬腫癰閉

癲狂

夢與鬼交

陰挺下脫

子臟虛冷

陰癢

陰瘡

疝子病

陰門硬痛不可忍者

醫學心鏡錄卷之七

女科雜症

金谿唐一見君田編輯

侄孫華自寶校

頤生微論曰病之情一也而療婦人爲難所謂寧醫十男子莫醫一婦人此何說也凡病皆起於七情而後六氣之邪乘虛來犯。嬾人女子之性慈戀愛憎嫉妬憂恚七情鬱滯染着堅牢加之不出閫戶無可解釋其習詩書者尚可消遣不識字義者無以寬慰義命之理茫然怨尤之心攢起或有懷未能暢遂或有病不可告人含羞諱疾偏信師巫反疎藥餌所以受病之處蒂固根深卒難易愈况夫產尊帶下三十六症損氣傷血揆症多

端故曰。女人嗜慾過於丈夫。感病倍於男子。誠非虛語也。冠宗
奭曰。豪貴之家。居深奧之中。處帷幔之內。既不能行望色之神。
聽聲之聖。惟憑脉供藥。其可盡得乎。醫者慎重。不免盡理質問。
愚者見所問繁多。以爲醫學不精。往往方藥不信。昔者扁鵲見
齊侯之色。尚不能取信。況其未之見者耶。是四診之術。不得其
一矣。自古高人哲士。爲之別立一科。而重嘆其難也。至於師尼
寡婦。及違時未笄之女。鬱情尤甚。奏效更難。褚澄所以有療各
不同之論。然而婦人病証。亦與男子無甚大殊。其所異者。惟月
經孕育胎前產後崩帶乳癰諸疾。女科書專家甚富。余亦采摭
百家方書。已會其意。所謂知其要者。一言而終。不知其要者。流

散無窮而良方大全及女科準繩斯稱勝覽

女科淺言

婦人因多病氣積生諸疾千金方云嬾人疾病比於男子十分難療可見女科一道難得良醫予遍覽醫書議論雖有不同然不外乎養血調經為主。夫女子陰類也以血為主其血上應太陽下應海潮。月有盈虧潮有朝夕。月事一行與之相等。故謂之月信。月信月經。女人經水一月一行則百病不生。其生病也皆由月經不調或過期或不及甚至經閉不行或衄血吐血是謂之倒經逆行。其不爲病者有三月一行是謂之居經。有一年一行是謂之避經。有一生不行而受胎者是謂之暗經。有受胎之

後間行經水而胎不殞者是謂之漏胎。此雖以氣血有餘不足言而亦以異常矣。

論月經

準繩云婦人病多因月經不調。乍多乍少。或前或後。或腰痛。或腹痛。或血黑。或血淡。醫者不審問。明白一例呼爲經病。不知陰陽勝陰。服藥所以無效。蓋陰氣乘陽則血不運行。經所謂天寒地凍。水凝成冰。故令乍少。而在月後。若陽氣乘陰則血流散溢。經所謂天暑地熱。經水沸溢。故令乍多。而在月前。如陰勝陽。宜益氣行血。陽勝陰。又當補血行氣。此是確法也。

月經粹言

岐伯曰女子七歲腎氣盛齒更髮長二七而天癸至任脉通太衝脉盛月事以時下天謂天真之氣癸謂壬癸之水故云天癸也衝爲血海任爲胞胎二脉流通經血漸盈應時而下不失其時故名曰月信夫婦人如遇經行最宜謹密若被驚恐勞役則血氣錯亂經血不行諸病由此而生否則與產後症相類薛立齋曰血者水穀之精氣也和調五臟灑陳六腑在男子則化爲精在婦人則上爲乳汁下爲月水故心主血肝藏血亦皆攝血於脾補脾和胃血自生矣程若水曰婦人經水與乳俱由脾胃所生經脉別論云食氣入胃其清純津液之氣歸於心入於脉變赤而爲血血有餘則注於衝任而爲經水經水者陰水

也。陰必從陽。故其色赤。稟火之色也。衝爲血海。任爲胞胎。若男子媾精。陰陽和合而爲孕。則其血皆移。蔭於胎矣。胎既產。則胃中清純津液之氣。歸於脉。朝於脉。流入乳房。變白爲乳。是稟肺金之白色也。或兒不自哺。則陽明之竅不通。其胃中津液。仍歸脉。變赤而復爲月水也。

月經瑣言

夫婦人以血爲主。凡遇經行之際。與產後一般。最宜謹密。其時若有一點惡露未淨。或被風邪寒暑熱濕。或內傷生冷。或遠行入客。七情鬱結。凝積於中。名曰血滯。若卽療治。調其氣。則行其血。則不致經閉而成疾。是幸耳。若延庸醫。妄用補藥。禮其血。則

經血熱矣。血熱愈枯。或血熱泛溢。從口鼻出者。謂之倒經。逆行。或月水相搏。變爲水腫。濕熱相搏。變爲崩帶。恚怒氣逆。血結於內。變成肝積。癥瘕。凡此症變百出。不過月經愆期。血滯血枯而已。若經閉不通。致成癆瘵。故犯之時。微如秋毫。病成之日。重於山嶽。可不慎歟。

論經水大略

經水者。行血氣。通陰陽。以榮於身者也。氣血盛。陰陽和。則形體通。或外虧衛氣之充養。內乏榮血之灌溉。則有經水愆期不調。不通。血色變遷等症。蓋經血以紅爲正。卽有愆期。還易調治。色紫者。風也。色黑者。熱也。色淡者。虛也。如豆汁者。鬱滯也。黃混濁。

者濕痰也。成片塊者結聚也。此所謂天寒地凍。水凝成冰。逆而
行者。流散也。此所謂天暑地熱。經水沸溢。二者陰陽偏勝。血枯
血熱也。經水大槩如是。致於血氣盛衰。又當循其經絡虛實而
治焉。

論經血不調由風邪客於胞中

陳氏曰。婦人月水不調。由風邪乘虛客於胞中。而衝任之脉損。
手太陽少陰之經。蓋衝任之脉起於胞中。爲經絡之海。與手太
陽小腸手少陰心經爲表裏。上爲乳汁。下爲月水。然月水乃經
絡之餘。苟能調攝得宜。則經自應時而下矣。

萬氏曰。婦人經病有月候不調者。有月候不通者。然不調不通。

之中有兼疼痛者有兼發熱者此分爲四也以四者推之不調之中有趨前者有退後者則趨前爲熱退後爲虛也不通之中有血滯者有血枯者則血滯宜破血枯宜補也疼痛之中有時嘗作痛者有經前經後作痛者則時常與經前爲血積經後爲血虛也發熱之中有時常發熱者有經行發熱者則時嘗爲血虛有積經行爲血虛有熱也此又分而爲八焉大抵婦人經病內因憂思忿怒外因飲冷形寒蓋人之氣血周流忽因憂思忿怒所觸則鬱結不行婦人經前產後忽遇飲冷形寒則惡露不盡此經候不調不通作痛發熱之所由也統言之氣行血行氣止血止故治血病以行氣爲先以香附枳殼木香之類是也如

治氣病以活血爲要。以當歸芍藥丹皮之類是也。

經行腹痛

衝脉主心經

任脉合脾經

良方云婦人經來腹痛。由風冷客於胞絡。衝任或傷於手太陽少陰二經。當用溫經散。或桃仁桂枝湯。若憂思氣鬱而血滯者。用桔梗桃仁生地以通其經也。如血結成塊。用萬病丸。益母丸丹溪云經來將來作痛者。乃血實也。一云氣滯。用四物湯。如桃仁香附黃連。臨行時腰腹痛者。乃是鬱滯有瘀血。用四物湯加紅花桃仁莪朮。玄胡木香。如覺有熱。加柴胡條芩。○經行後作痛者。乃血氣俱虛也。以八珍湯加減服。○戴氏曰。經事來而腹痛者。經事不來而腹亦痛者。皆血之不調故也。欲調其血。先

調其氣四物加茱萸香附和氣飲痛甚加玄胡索五靈脂如感有寒邪先散外邪然後治經可也

聖金丸

能調經種子益元養血

聖金丸醫治女子胎前產後及月水不調崩帶一切諸虛百損兼治男子遺精白濁咳嗽等症 女科諸症神効孕婦忌服

香附一觔去毛揀

第一次童便浸二次用酒浸三次用鹽湯浸

四次用醋浸如春季每浸五日夏季每浸二日秋季每浸七

日用出曬乾略用火焙爲末

人參

四兩五錢

白芷

一兩五錢

赤芍

一兩五錢

白芍

一兩五錢

藁本

去蘆三兩

當歸

一兩五錢

川芎

一兩五錢

茯苓

三兩五錢

丹皮

二兩五錢

酒
洗川牛膝二兩五錢去蘆酒洗桂心二兩五錢甘草七錢五分白薇四兩去蘆酒洗人參

臨用時加入亦可

已上十四味俱用好酒仍按季浸過春五夏三秋七冬十浸過洗淨晒乾爲末復加赤石脂白石脂各一兩俱用醋煨醋浸一爇用火煨又浸又煨凡共七次爲止又加乳香沒藥各一兩火上烘去油爲末入硃砂四錢琥珀五錢并乳香四味用好酒研爲膏和入前藥同香附煉冬蜜爲丸如彈子大金泊爲衣晒乾收貯磁罐內每服一丸臨卧時依法調服每一丸用好酒一盞入磁瓶內同瓶封固上用淨布扎縛以火煮之二三沸其丸待化爲糜服丸藥轉須盤膝端坐候困極方可睡

凡經血來而腹痛此藥服之下月腹不痛矣覺經水來時前

五日服此藥一九經調則孕真百發百中良方也妙處無窮難以盡述

調經種子方 第一效方

當歸 四錢 酒洗

大川芎 四錢

熟地黃 六錢

香附米 六錢 炒

白芍 三錢 酒炒

茯苓 三錢 去皮

廣陳皮 三錢 去白

吳茱萸 四錢 炒

牡丹皮 三錢

玄胡索 三錢 酒炒

右十味為主加減開後

若過期而經水色淡者乃血虛有寒也加官桂 乾薑 艾葉

各二錢 醋炒

若先期三五日色紫者加條芩 三錢 酒炒

右剉作四服每一服用生薑三片水一碗半煎至一碗空心